

Willem Vermandere, Meter Fietje

we noemden z' altijd meter Fietje
maar heur name was echt Octavie
geboren in't land van ronse
waar juste 'n weet ik nie
ze klapte jezus maria jozef
zo schone lijk 't volk van aldaar
meter meter fietje
zwarte schorte en grijsewit haar

dat is voor u een klein liedje
voor u oud meter fietje

van wat is joen vent ton gestorven
in 't fleur van zijn leven veel te jong
je zat gie daar met acht kleine jongens
zeg wel hoe is't meuglijk dat 't gong
en toch zij' j' niet dood van te werken
je leefde nog haast honderd jaar
meter meter fietje
zwarte schorte en grijsewit haar

met nieuwjare kwamen w' almale thope
en joen huizeke was niet stijf groot
maar voor elk was er plek in joen herte
en 't was taarte en 't was koekebrood
en 'k 'n h 't nooit anders geweten
onveranderlijk jaar achter jaar
bie meter meter fietje
zwarte schorte en grijsewit haar